

MAC-TALLA.

"An ni nach cluinn mi an diugh cha'n aithris mi maireach."

VOL. I.

SIDNI, C. B., DI-SATHAIRNE, DESEMBER 10, 1892.

No. 29.

SIOSAL & CROWE,

Fir - Tagridh, Comharlichean
Notairean, &c.

SIDNI, C. B.

CAILEAN SIOSAL.

W. CROWE.

ARCHIBALD & CO.,

CEANNICHEAN.

Sealbhadairean Meinean Guail
Ghowrie

Murray & Mac Coinnich,

Comharlaichean, Fir-tagraidh,
&c.,

SIDNI TUATH, C. B.

G. H. MURRAY.

D. D. MAC COINNICH.

HEARN & HEARN,

Fir-Tagraidh, Notairean,
&c., &c.,

SIDNI & ARICHAU.

J. H. HEARN.

D. A. HEARN.

D. A. Mac Fhionghain,

Fear-Tagraidh, Comhairliche,
Notair, Etc.

Baile - Sheorais, Eillean
Phrionns' Iomhair.

Mac Gillios & Mac Eachuin,

Comhairlichean agus Fir-Tag-
raidh aig Lagh,

Sidni & St. Peter's, C. B.

Joseph A. Mac Gillios. A. J. G. Mac Eachuin.

NAIDHEACHDÁN NA SEACHDAIN.

Tha soitheach-smuid 'g togail air Amh-
ainn Chluaidh an drasda, 's gu de 'n obair
a tha roimpe ach a bhi giulain phrìosanich
a Ruisia gu Siberia! Tha i an a lionadh
le crothan iarunn ann sam bi na daoine
bochda air an dunadh fad na slighe.

CHÀIDH SEONAIÐ BHEAG A LEIGHEAS.—
A Dhaoine-uaisle,—Bha Seonaid, mo
nighean bheag-sa, gle dhona leis an La
Grippe, agus lean droch casad i. Thug
mi dhi Hagyard's Pectoral Balsam 's
leighis e i ann beagan uine.

Mrs. McARTHUR, Copleston, Ont.

Chaidh "Buck" a chrochadh aig Dor-
chester Dior-daoine, air an t-sheachdain
s'a chaidh. Rinn moran an
dichioll air a chumail o'n chroich
ach b'fheudar cluas bhodhar a chumail
riutha sin. Tha lagh Chanada ag radh gu'm
bi neach sam bith a ni murt air a chroch-
adhagus bha e iomchuidh an lagh sin
choimhead. Be so a cheud chrochadh a
rinneadh an Canada air a bhliadhna so.

Tha fios a Vancouver, B. C. ag innse
gu bheil da threibh de dh'Innseanich air
taobh a near eilean Vancouver a cogadh
ri cheile. Thoisich an aimhreit mu uisge-
beatha air and fhuairiad greimair doigheig-
inrud is tric a dh'aobharich aimhreit eadar
daoine bha gabhail orra fein a bhi na bu
ghlice na bu chiallich na nah Innseanich.
Tha long bheag chogidh air a turus gu
aite na combhstri dh'fheuch an urcinn di
sith a dheanamh eatorra.

Chaidh duine 'mharbhadh faisg air
Yarmouth Di-Sathairne s'a chaidh le clach
a thuiteam air. Bha e fhein us daoine
eile 'g obair air drochaid ur a thogail,
's bha aca ri seann bhalla elaiche
leagail. An feadh 'sa bha iad a deanamh
sin thuit am balla gun fhios daibh. Fhuair
iad uile teicheadh ach an duine bochd so
air an taig tuisleadh eigin a thug air
tuiteann. Mu'n d'fhuair e eirigh thanig
clach a nuas agus bhual i air sa cheann.
Bha i cho trom 's gu'n tuge beagan uine
dhe chonpanich a toirt air falbh. Nuair
a fhuair iad sin a dhianamh bha 'n duine
fathast beo ach gun a bhi aig a thur fein,
's ann am beagan mhionaidean dh'eug e.

Tha Mr. Blaine a bha roimhe so na
Run-chleireach na Stai.e a dol gu math
am feabhas an deigh a thinneis.

Tha 154 bocsa de reiseidean 's de dh'-
fhigean dhe gach seorsa ri'n reic saor nam
bocsichean aig C. H. Harrington & Co.

Chaidh Alasdair Mac Cuair, duin og a
mhuintir Port Hastings a bhathadh
faisg air Newfoundland toiseach a mhios
s'a dh'fhalbh.

Tha e air a radh gu bheil Louis Kossuth
air leabidh a bhais ann an Turin 's an
Eadailt. O chionn mios no dha bha e
ceithir fichead bliadhna sa deich a dh'aois.

Cha robh greadhnachas mor sam bith
mu adhlacadh Jay Gould, ach bha gach
ni 'sa cheart ordugh sam biodh e mu
adhlacadh duine aig nach biodh ceud
dolair ri ainm fhad 's bu bheo e.

Tha Franwis Mhontreal ag radh "gu
bheil am freasdal na's fabhariche do
mhuintir a bhaile sin na tha luchd-reic a
ghuail. Thog iad sin pris a ghuaill leth-
dolair an tunna, na b' airde na bha e
roimhe, an duil gu robh geamhradh
cruaidh gu bh' aginn, ach chuir am
freasdal side bhriagh' oirnn, 's tha luchd
a ghuaill air an doranachadh."

Ann an New York air an t-sheachdain
s'a chaidh dh'eug Jay Gould, aon de na
daoine bu shaoibhire bha 'sna Staitear.
Chan eil fhios ceart fhathast de na bh'aige
dhe'n t-shaoghal, ach tha e cinnteach gu
robh gu leor aige, ged nach d'aidich e
fhein sin riabh. Tha cuid ag radh gu robh
tri fichead muilean dolair aige 's tha cuid
eile 'g radh gu robh fhortan na b'fhaisge
air ceud muilean. Ge air bith na bh'aige
's cinnteach nach mor a fhuair e dheth
gu h-onarach. Fhad 's bu bheo e cha
robh dad air aire ach a mhath fhein.
Na 'm faigheadh e saobhreas a channadh
suas dha fein bu choma leis de thachradh
do mhuintir eile. Bha muinntir eile
uime sin caoin-shuarach mu dheibhin-
san, agus 'nuair a dh'innis na paipearan o
chionn mios no dha gu robh e basachadh
le caitheamh, cha robh moran air a radh
dha thaobh an aite sam bith. Agus 'nuair
a chaidh a chur fo'n fhod, cha mbor a
bha 'ga chaoidh. Na thionnadh cha
d'fhag e sgilinn ruadh aig eaglis no aig
bochdan.

MAC-TALLA.

Tha Mac-Talla air a chur a mach a h-uile Di-Sathairne, aig Sidni, C. B.

A PHRIS BHLIADHNAIL:

Ma phaignear air a shon toiseach na bliadhna, \$0.50
An ceann shia mìosan 0.75
An ceann na bliadhna 1.00

Neach sam bith a chuireas thuginn sia ainm-ean us trì dolair, gheibh e bliadhna dhe'n Mhac-Talla 'nasgidh.

'Se Mac-Talla 'e aon phaigear Galig 'an America, agus bu choir do na Gaidhil an uile dhìchìoll a dheanamh air a chumail suas:

J. G. McKINNON,
Mac-Talla,
Sydney, C. B.

SIDNI, DI-SATHAIRNE, DESEMBER 10, 1892.

Tha nig corr us sia mìle deug thar fhichead de luchd-inntrich gu Manitoba an bliadhna. Chaidh cead gu leth teaghlach ann a Michigan, 's aireamh mhath as na Staiten eile mar an ceudna.

Tha Nollaig us Bliadhn' Ur a nise 'teannadh dluth, 's bidh gach neach a cur ghibhtean a dh'ionnsidh a chairdean. Tha macran dhe na gibhtean sin nach mair dad de dh'uine, 's nach tòir toileachadh sam bith do'n neach a gheibh iad ach fad latha no dha. Ma tha toil agad gibht a chuir gu d'charaid a mhaireas, cuir thuige MAC-TALLA. Cha chosg e dhuit sa ach leth-dolair, 's bidh e toirt do chairdeis gu cuimhne do charaid a h-uile latha dhe'n bhliadhna.

Fhuair sinn litir bho Mhr. Iain Mac Coinnich, Run-chleireach a Chomuinn Ghaidhealach am Baile Hamilton, ag innse gu robh dol gu math leo, 's gu robh iad an duil cruinneachadh a bhi aca "ris an abrar sa Bheurla concert, ach ris an abradh esan na chanain fhein, coitneamh air son ceol 'us aighear." Bidh sinn ro thoileach cluinntinn bhuaithè rithist nuair a cheadicheas uine dha.

Tha Comunn ur Gailig air a chuir air chois am baile Guelph. Bha Comunn eile air a shuidheachadh an New York air a mhios so 'dh'fhalbh. Tha e mar fhiachibh air neach sam bith a bhios na bhall dhe'n chomunn sin gu'n labhir e Gailig, agus feumidh na oifigich bhi comasach air Gailig a leubhadh 'sa sgrìobhadh.

Tha Comunn Gailig an Foronto o chionn cheithir bliadhna deug 's tha e nis beothaile 's nis laidire 'n diugh na bha e riabh roimhe. Tha iad san a tha nam buill dhe'n chomunn sin g'e dhileas do chainnt an sinsear, 's ma leigeir air di chumhn' i cha bhi coire sam bith ri chuir orra san. Gach geamhradh 's abhist daibh sgoil Ghailig a bhi aca 'n co-cheangal ris a chomunn air feasgar Di-sathairne.

SOP AS GACH SEID.

Tha M. L. ag radh gu bheil moran de pharantan Gaidhealach ri'n coreachadh air son an clann a bhi deanamh di-meas air a Ghailig. Tha e 'g radh gur triè a thluinnear parantan a labhirt ri'n cloinn mar so: "A Sheonidh ruith do'n chreck 's thoir a stigh bucket uisge." "Jessie fosgail dorus na h-oven feuch a bheil an t-aran done." "Murdoch, cur umad t-overcoat mu'n teid thu mach; tha 'n oidhche cho chilly," agus mar sin sios, gus ma dheireadh nach bi a chlann comasach air Gailig a labhirt ged a bhicdh toil aca dhi. Cha bhi aca ach pronnasg de chainnt nach Gailig no Beurla, ach a tha coltach ris mar a bha Gilleasbuig Mac 'ic Mhurchidh ag radh mu urnigh Mhr Shutir, "cuid dhi na Gailig, 's pairt dhi na Beurla, cuid dhi na h-Eabhra, na Ladin, 's na Greigis 'sa chuid nach tuig cach, bheir e gair air Fear-Gheusda."

* * *

Bha duine coir ris an abair sinn Iain aon la 'sa choille a gearradh chracban. Thachir do aon chraoibh mhoir a bha e leagail tuiteam an rathad cearr 'sa bheatha chuir an cunnart. Tharr e as co dhiu, agus air dha bhi 'g innse do dhuin eile cho teann sa chaidh i air a spadadh, thubhirt e, "na'm biodh i air bualadh orm 'sa cheann mharbhadh i damh!"

* * *

Tha duin og foghlunichte de dheagh theaghlach ann an New York, a cuir fios ann am paigear, 's ag radh gu'm pos e te bheairteach sam bith a bheir airgid dha a cheannicheas litir-dhealich do'n bhean a tha aige, leis nach urrinn dha cuir suas!

* * *

Bha spioaire duine ann an New York aig an robh moran de dh' airgid paigear air fhalach ann am bocsa fiodha na thaigh. Air reir coltais eha robh tamhachd 'san taigh ach e fhein 's teaghlach no dha de luchinn. Bha e cho gleidhteach air a storas 'sa b' urrinn dha, 's be'n fhior eigin a bheireadh air dolair a thoirt as. Chaidh e chunntas a chuid airgid an la roimhe 's fhuair e gu robh na luchinn an deigh nead a dheanamh dheth, 's gu robh e air a ghearradh na phiosan cho beag 's nach robh feum sam bith ann!

Tha Sir Iain Thompson a nise na Phrìomh-Mhinistear air Canada 's tha e 'n drasda cruinneachadh a luchd-cuidichidh mu'n cuairt da. Tha sinn an dochas gu'n dean e fear-riaghlidh glic, 's gu'm bi gach reachd a ni e fein 'sa cho-luchd-dreuchd a chum math na dacha.

Tha J. A. Lawson, Charlottetown, P. E. I., a sgrìobhadh: Bho bhi gabhail K. D. C., theid agam air a mholadh dhaibhsan a tha fulang le droch stamag. 'Sairhne dhomh feadhinn eile 'sa bhaile so a fhuair faochadh mor agus leighas le bhi gabhail ur cungidh-leighis.

BURDOCK

Riaghiltichidh e 'n stamag, an gruan's na h-ainnean, glanidh e 'n fhuil 's bheir e air falbh a h-uile neo fhallaineachd, bho ghuirean gu tinneas an righ.

BLOOD

LEIGHSIDH È

DROCH STAMAG, DOMLASACHD,
CEANGAL-CEIM, CEANN GOIET,
TEINE-DE, EASBA-BRAID,
LÒSGADH-BRAID, STAMAG GHEUR,
TUAINNEALICH, MEUD-BHERRON,
LOINE, GALAIREAN CRAICINN.

BITTERS

Am bheil Piano, Organ no Inneal-fuaigheal a dhith ort?

Cha'n eil inneal-ciuil ann an Canada ni's fhearr na Pianos agus Orgain "Kharm." Fhuair iad cliu mor aig Feil Halifax an uiridh.

Agus 'se 'n "Raymond" agus an "New Williams" am da Inneal-fhuaigheal a's fhearr a tha ri'm faotainn air thalamb.

Airson tuilleadh fiosrachaidh ruig, no sgrìobh gu

C. B. TRAVIS,
P. O. Box 68, Sydney, C. B.

LEUBH SO.

Tha mi reic Uidheaman-Giulain dhe gach seorsa na's saoire na gheibhear an aite sam bith eile 'n Ceap Breatuinn. Bheir mi dhuit Cairt-Rathaid air \$22. Tha mi dol an urras air gach Carbad a ni mi gu'm bi thu riarichte leis.

Ceannaich do Charbadan 'nad dhuthaich fhein, 'sna bi cuir do chuid airgid air falbh, gu h-araidh, 'nuair a gheibh thu cho saor agus cho math aig an tigh

D. W. Mac Fhionghain,
SIDNI TUATH, C. B.

FOGRADH NAN GAIDHEAL.

XII.

CATAOBH.

A chionn gun robh a' Bhan-Iarla Chatach a fuireach ann an Stafford an Sassonn dh'fhag i riaghladh na ducha ann an Cataobh ann an lamhan nan daoine bruideil sin, Mr. Young agus Padruig Sellar. Lean iadsan air an obair aingidh, agus air a' bhliadhna 1811 chitheadh a' siubhal sios us suas air feadh na tìre Gaill bho mhachair Alba, a' gabhail beachda air an fhearsan mun tairgeadh iad mal sam bith air son nan gabhalaichean. Oir thugadh bailrinn do mhoran dhe'n tuath gus an cur air falbh as an tìghean, a chionn gun robh an tìr gu bhith air a roinn na h-earrannaibh farsuinn, air son gabhalaichean morachaoraich a dheanamh dhith. Bha eagal an cridhe air na Gaill luinnsach, fhad-chasach so, gum faigheadh iad droch laimhseachadh bho'n t-sluagh a bha iad a' dol a chur a mach as an dachaidhean, ach cha riugeadh iad leas, oir bhain na Gaidhil bhochda gu sìobhalta riutha, agus chan e sin a mhaireadh thug iad aoidheachd agus biadhtachd dhaibh gu sìaluidh. Gidheadh bha eucorach mal-nichte de *Rabideach (Reid)* ann an Sgìreachd Chill-donnain, Gall slaodach, cladaireach gun rath, a thog tuairisgeul air buidheann de luchd-sgìreachd Chill-donnain gun robh iad 'ga ruagadh gu ghlacadh air son droch caramh a dheanamh air. Cho luath 's a chula Young agus Padruig Sellar am faoindealbh sgeoil so, feig iad orra bhi air chrith leis an eagal, oir rinn an cogaisean fhein cladhnairean dhiubh, agus chreinnich iad ri cheile eadar eadar trì fichead agus ciad Gall. Gall, an leanmhuinnichean agus an seibh-sich fhein, a rinn iad a mhionnachadh mar mhaoir agus mar chonstapull. Chaidh iad an sin agus chur iad an ordugh na gun-nachan-mora a bha aig Caisteal Dhun-robainn, a bha nan laidhe gun fheum bho linn bhliadhna Thearlaich. Chuir iad le cabhaig a mach teachdairean a ghairm an t-sluagh a staigh a dh-ionnsuidh a' Chaisteil agus rinn moran deas gu umhlachd a thoirt do'n ghairm. Ach nuair a bha iad mar uighe sia mìle do'n Chaisteal thuir iad sanus mu ais-innleachdan nam *Factor*, agus rinn iad stad. Chaidh iad an deigh sin a dh-ionnsuidh an Tigh-Osda ann an Gailspidh gu coinneachadh ris na *Factoran*. Thainig na seoid so leis an t-Siorramh agus le maoir us tarraidean; dh'ionnsuidh iad do'n t-sluagh gun robh feadhainn dhiubh gu bhith air an glacadh 's an cur do phrìosan ann an *Dornoch fo amharis* air son ionnsuidh a thoirt air beatha an Rvoidich. Le aon ghuth ghlaodh an sluagh gun robh iad neo-chiontach, agus nach leigeadh iad le h-aon sam bith

dhiubh bhi air an glacadh san cur am prìosan air sor a leithid sin de leisgeul breige. Leugh an Siorramh dhaibh an sin reachd ris an abrar *Achd na Tuaircap (Riot Act)*, rud nach b'aithne do na Cataich bhochd agus nach tuigeadh iad; ach sgaoil iad agus dh'fhalbh iad dachaidh ann an sith. Ghabh na *Factoran* orra bhi fo eagal; leum iad suas nan diollaidean air na h-eich, agus ruith iad thun a' Chaisteil air son didein fo fhasgath nan gunnathan mora. Chuir iad fios gu Gearrasdan Aird-nan-Saor (*Fort George*) air son buidhean shaighdearan, a chur fodha na ceannairc ann an Cataobh. Chuireadh Reiseamaid Eireannach a sin, a bha triall a latha 's a dh-oidheche, astar leth-cheud mìle, le eirm agus uidheam-gunnaireachd. Ach nuair a thanig iad cha robh luchd-ceannairc ri fhaicinn no ri fhaotuin, agus phill iad dachaidh gu'n taighean-feachd ann an Aird-nan-Saor, coltach ri basthairean a chuireadh air thurus breige le teach daireachd mhealltach air latha na gogaireachd deireadh an Earraich.

D. B. B.

Bha craid ghasda air a liabhirt an Eaglais St. Andrew's 'sa bhaile so feasgar Dimairt s'a chaidh leis an Urr. R. S. MacLeod, as an Oban. Bha àireamh math cruinn, 's labhir an duin-uasal sin fad uair no dha mu thimchioll a ghluasid a bha measg nan Gaidheal a thaobh an fhearinn. Dh'aithris e gu mionaideach na h-aobhar an a bha aig na croitearan air eirigh an aghidh nan uachdran, na ceumannan a ghabh iad gus am mal isleachadh, 's na croitean a dhianamh na bu mho, agus cho-dhuin e le beagan soluis a thilgeadh air staid nan croitearan an diugh. Bha mhor-chuid dhe na bha lathir ro-dheonach air eolais fhaotinn air cor an cairdean sa Ghaidhealtachd, agus 'se ar barail fhein gun d'fhuair iad cuibhrionn math. Tha Mr McLeod gle mheasail air a dhuthich, 's chan aicheidh e gur Gaidheal e ge be aite 'm bi e.

GUIREANAN AIR AN LEIGHEAS—A Chairdean,—An 1880 bha mo chraicinn air a lionadh le guireanan, gus ma dheireadh dh'fheuch mi Burdock Blood Bitters; an deigh dhomh trì botill gu leth ol bha mi air mo leigheas gu h-ionmhlachd chan urrinn mi moladh gu leor a dhia-amh air.

MRS. SEUMAS DESMOND, Halifax, N. S.

PHOS.

Aig Loch Ainslie, Nobhember 23, leis an Urr. Alasdir Grand, Murachadh A. MacGilleain, Strathlorne ri Mor Nic Gilleain, Loch Ainslie.

DHEUG.


Aig Port Hastings, Nobhember 11, Allain Cairnbeal, 63 bliadhna dh'aois.

Aig a Loch Mhor, Gabarus, Nobhember 22, Fionnladh Domhnallach, 70 bliadhna.

Aig Amlinn Dhennis, Nov. 28, Isabel Nic-an-t-Shaoir 63 bliadhna dh'aois.

Aig Westville Nobh. 23, Fionnghal, bantrach Ruairidh Shiosail, 75 bliadhna dh'aois.

A. J. PEUTAN,
FEAR-ADHLACIDH.



CISTEACHAN-LAIDHE BHO \$2.00 GU \$90.00.

Anart us Lion-aodach dhe gach seorsa, Deiseachan-Donna, Curraican, Lamhannan, Stocainnan, Gleus Airgid air son chisteachan &c., &c.

Carbad-Mairbh aig laimh Daonnan.

DE THA BHUAT?

Ma 'se UIDHEAM-EACH de sheorsa sam bith a tha bhua taghil aig

F. Falconer & a mhaic.

Tha iad an deigh a chuid a's mo de bhathar a gheamhradh a chuir a stigh, 's bheir iad dhuit bian, brat-eich, cota-bein, cluig, cuip, trèng, *valise*, maileid no nì sam bith dhe'n t-sheorsa sin na's saoire na gheibh thu 'n aite sam bith eile.

Cha mheas iad mar dhragh idir an bathar a shealltuinn.

Ma tha dealbh math a dhith ort ruig

UILLEAM W. DILLON,
SIDNI, C. B.

Bi'dh e toileach fetheamh ort uair sam bith a thig tha. Dealbhan beaga air an meudachadh agus air an deanamh cheart cho boidheach.

Sgathain agus gloine uinneag air a phris a's isle.

Seallaidhean air Ceap Breatuinn air laimh an comhnuadh 's air an reic gu saor.

TAGHAIL AIG

Aonghas Domhnallach,

CEANNAICHE,

SIDNI, - - - C. B.

Tha Flur, Min, Siucar, Ti, Tombaca, Coirce, Feur, agus iomadh nì eile aige.

RIN REIC SAOR

MURT NAN EIGEACH.


[Tha sinn a toirt a chunntais a leanas air a mhurt imoraiteach so "Eachdridh na h-Alba" a bha air a sgrìobhadh leis an Urramac Aonghas Mac Coinnich. Cha mhor de luchd-leubridh a phaipear so nach cuala iomradh uair no uair-eigin air Murt nan Eigeach agus tha e iomchuidh gun biodh eachdridh na thachir aig an am sin air a thoirt daibh bho thoiseach gu deireadh.]

Bu le Clann Domhnuill uachdranachd nan eileanan a siar aracon mu'n tainig na Lochlunaich agus greis an deigh dhoibh falbh. Ach bha Clann Leoid, treubh shumhachdach, aig an robh moran fear-ainn air a' mhor-thir, a' briseadh a steach an drasda 's ris, an cuid de na h-eileanaibh, 's ga'n toirt o Chlann Domhnuill. Fhuair na Leodaich lamh an uachdar 's an Eilean Fhada, agus 'm pairt de 'n eilean Sgiathanach, gu maith trath 'an eachdraidh nan duthchan sin, ni a bha togail naimhdeas mor, a bha leantuinn o linn gu linn eadar iad fein 's na Domhallaich. Bu leis na Domhnullaich eilean Eige mu'n am am bheil ar n-eachdraidh a ni. Thachair air la araidh gu'n tainig eithir bheag air tìr an Eige, le dithis no thriuir de Leodaich. Cha do chuireadh grabadh sam bith orra car greis an deigh a dhol air tìr. Ach air dhoibh a bhi air an coireachadh air son mi-stuaimeachd eigin, rugadh air na Leodaich 's cheangladh eadar lamhan 'us chasan iad, 's chuireadh 'na 'n eithir fein iad, a leigeadh air falbh leis a' mhuir, 's leis a ghaoith. Thachair bat' a bhuineadh do Cheann-einnidh nan Leodach, ris na ciomaich thruagh so, 's thug iad gu sabhailt iad gu Caisteal Dhunbheagain, far an robh Mac Leoid a' fuireach. Dh'in-nis na daoine facal air an fhacal do Mhac Leoid mar a laimbsich muinntir Eig' iad. Chruinnich 'us dh'armaich Mac Leoid feachl lionmhor, leis an do lion e 'chuid bhataichean gus an toacadh a thoirt a steach. An uair a chunnaic na h-Eigich an cabhlach a' dluthachadh ris an eilean, 's a thuig iad c'arson, chaidh iad ga'm faluch fein 'an uamhaig mhoir, air nach robh ach doras cumhang, agus allt a' sruthadh sìos 'an eudan na creig' a bha 'foluch an doruis. An deigh do na Leodaich tighinn air tìr, 's an t-eilean a rannsachadh, thairis agus thairis, cha 'n fhaigeadh iad duine; ach gheibheadh iad pailteas creiche. Chaidh iad air bord anis gu falbh; ach thainig fear eigin a mach as an uaimh a shealltainn air fath ach an robh iad air falbh thar aruinn an eilein; 's thug na daoine bh'air bord 's a' chabhlach an aire do'n duine so. Thainig iad air

tìr a ris, 's mar a bha sneachd air an talamh, lorgaich iad an duine gu beul na h-uaimhe. Chuir Mac Leoid fios thun na muinntir a bha stigh, iad a chur a nach thuige-san na feadhainn a rinn an t-ainneart air a luchd einnidh, 's gu'n deanadh e riu mar a thogradh e. Cha deanadh iadsan sud, no taing, 'an duil nach bu chomasach dha olc sam bith a dheanamh orra co dhiu. Thug an Leodach air a chuid daoine cladhan eil' a dheanamh do'n eas a bha 'foluch beul na h-uaimhe, 's thug e orra na gheibheadh iad de chonnadh tioram a thorradh suas 'am beul na h-uaimhe 's chur e ri thein' e. Chum iad an teine sin a' losgadh re iomadh uair a thim, gus an do mhuchadh a h-uile duine bha 'san uaimh. Bha mu'n cuairt do dha mhil' ann diabh, eadar bheag 'us mhor, 's cha tainig duine beo a mach aisde. Cha seanachas tormadach so, ach an tul fhirinn. Tha urlar na h-uaimhe gus an la 'n diugh a' fianuiseachadh gu 'n do thachair a leithid,

AIR A DHIANAMH LE SEOL—Tha Dr. Wood's Norway Pine Syrup, an leigheas a's fhearr a gheibhear an diugh air casadich, cnatan, tuchadh, cuing, ambach-ghoirt 'sa h-uile tinneas sgamhain, air a dhianamh dhe na luibhean 'sna cairtean cliabhail a's fhearr, agus areir nan seol is ealanta 's is eagnuidhe, 's bheir e faochadh do neach an uine ghoirid.

Am bheil thu tuigsinn cho feumail sa tha e dhuit stamag fhalain a bhi agad, 's am cholera cho faisg? Ni



do stamag falliam, 's do dhion on cholera.

Sampull a nasgidh gu nach sam bith.

K. D. C. COMPANY, LTD.

New Glasgow, N. S., Canada.

Ainmich am paipear so.

D. MAC 'ILLINNEAN,

TAILLEIR,

SIDNI, - - C. B.

Aodaichean Sassunaeh agus Albanach dhe gach seorsa 's grinne 's fhearr, a feitheamh ri'n cur gu feum. Duine sam bith a dh' fhagas a thomhas aig Mac 'Illinnean, bidh e cinnteach a deise cho cumadail 's cho fasanta 'sa gheibhear an aite sam bith.

Taghail aig Stor

MATHESON, TOWNSEND & CO.,

agus faic na tha aca de

Bhathar de gach seorsa,

agus e ri reic gu saor.

Math ar Duthcha tha 'nar beachd.

FAIC SO.

Tha sinn a cumail uan Amblau a's fhearr ann an Sidni 's tha sinn 'g an reis na's saoire na neach sum bith eile. Tha 'm Flur aginn leth dolar na's saoire na gheibhear aig aon sam bith sa bheile. Tha ar Ti ro mhath agus gle shaoi, tha gach ni air a reic aig a phris a's isle.

Reicidh sinn Flur, Min, no bathar sam bith air son Im aig pris airgid.

Taghail aginn nuair a thig thu do'n bhaile agus faic ar Brogan,—an cunnradh a's fhearr a ghabhas faotinn.

C. H. HARRINGTON & CO.

Sidni, C. B.

COMHRADH.

"De'n uair a tha e?"

"Tha e coig mionaidean an deigh tri."

"Ciamar a tha fios agad?"

"Nach do sheall mi air m' uaireadear?"

"Dh'fhaidte gu bheil an t-uaireadear sin ro-luath."

"Cha'n eil e luath no mall riamh on a chaidh a chuir air doigh mu'n am so 'n uiridh. Bha e roimhe sin cho mi dhoigheal 'sa bha 'leithid riamh, air aon spoig, 'se cho gliogach 's nach b' urrainn dhomh feum sam bith a dheanamh dheth. Ach an drasda 'se uaireadear cho math sa tha 'san duthaich."

"Co 'charaich e?"

"O, nach be cheist e! Charaich

GUZZWELL & RHODES,

ann an Sidni, feadhainn da 'm b'athar charadh."